



Broj: 10/E-11-5927/25

Sarajevo, **11-11-2025** .- godine

Na osnovu člana 70. stav (1), (2), (3) i (6) Zakona o javnim nabavkama Bosne i Hercegovine („Službeni glasnik BiH“, broj 39/14, 59/22 i 50/24) u daljem tekstu: Zakon, člana 69. Statuta Općine Centar Sarajevo – Prečišćeni tekst („Službene novine Kantona Sarajevo“, broj 23/04), na prijedlog Komisije za nabavku roba, usluga i radova I, imenovana rješenjem Opštinskog načelnika broj: 10-45-162/25 od 05.03.2025. godine, (u daljem tekstu: Komisija I), u postupku javne nabavke i isporuke cvijeća za potrebe Općine Centar Sarajevo, putem konkurentskog zahtjeva za dostavu ponuda, uz primjenu e-Aukcije (Zapisnik o pregledu i ocjeni ponuda broj: 10/E-11-5927/25 od 05.11.2025. godine), Općinski načelnik donosi:

ODLUKU O IZBORU NAJPOVOLJNIJEG PONUĐAČA

- I.** Prihvata se ponuda prvorangiranog ponuđača „**OTOKA-BAMBUS**“ d.o.o. Sarajevo, ID broj: 4201564140007, ulica Safeta Zajke 25, 71000 Sarajevo, ponuda broj: 25/2025 od 24.10.2025.godine za nabavku i isporuku cvijeća za potrebe Općine Centar Sarajevo, putem konkurentskog zahtjeva za dostavu ponuda, uz primjenu e-Aukcije, sa umanjenom cijenom nakon održane e-Aukcije u ukupnom iznosu od **278,00 KM bez PDV-a, odnosno 325,26 KM sa PDV-om (zbir jediničnih cijena)**.
- II.** Ugovorni organ će sa izabranim ponuđačem zaključiti Okvirni sporazum na period od 24 (dvadesetčetiri) mjeseca, do maksimalnog iznosa od 15.000,00 KM bez uračunatog PDV-a, kojim će regulisati međusobna prava i obaveze u vezi predmetne nabavke, u skladu sa zahtjevima ugovornog organa i zakonskim propisima.
- III.** Ova Odluka se dostavlja ponuđačima koji su učestvovali u postupku javne nabavke u roku od 7 (sedam) dana, shodno članu 70. stav (2) i članu 71. Zakona o javnim nabavkama.
- IV.** Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o ž e n j e

Postupak javne nabavke i isporuke cvijeća za potrebe Općine Centar Sarajevo, pokrenut je Odlukom Općinskog načelnika o pokretanju postupka javne nabavke putem konkurentskog zahtjeva za dostavu ponuda, uz primjenu e-Aukcije broj: 10/E-11-5927/25 od 01.10.2025. godine.

Predmetna nabavka nije podijeljena na LOT-ove, iz razloga što ista predstavlja nedjeljivu cjelinu. Na portalu javnih nabavki je objavljeno Obavještenje o nabavci broj: 848-7-1-125-3-215/25 od 13.10.2025.godine.

Procijenjena vrijednost javne nabavke iznosi 15.000,00 KM bez PDV-a. U krajnjem roku za predaju ponuda koji je određen tenderskom dokumentacijom, na adresu ugovornog organa zaprimljene su 2 (dvije) blagovremene ponude ponuđača:

1. „OTOKA-BAMBUS“ d.o.o. Sarajevo
2. T.R. NA MALO “GRACIA” Sarajevo

U skladu sa članom 63. Zakona o javnim nabavkama (u daljem tekstu: Zakon), Komisija I je u zakazano vrijeme pristupila javnom otvaranju pristiglih ponuda i nakon što je utvrđena urednost i blagovremenost dostave, pročitane su cijene ponuda na osnovu kriterija za dodjelu ugovora „najniža cijena“, kako slijedi:

RB	Ponudač	Ukupna cijena ponude bez PDV-a (KM)	Popust izražen u KM i procentu %	Ukupna cijena sa popustom i bez PDV-a
1.	OTOKA - BAMBUS d.o.o. Sarajevo	997,50	-	997,50
2.	T.R. NA MALO "GRACIA" Sarajevo	670,00	-	670,00

Nakon izvršenog javnog otvaranja ponuda, na zatvorenom sastanku Komisija I je pristupila detaljnom pregledu i analizi dokumentacije priložene uz ponude, u cilju utvrđivanja prihvatljivosti prema obliku, sadržaju i potpunosti dokumentacije; utvrđivanja kvalifikacija ponuđača; ocjene tehničke prihvatljivosti ponude, kao i usklađenosti sa tenderskom dokumentacijom, Zakonom o javnim nabavkama i odgovarajućim podzakonskim propisima.

Računskom provjerom konstatovala da su ponude ponuđača OTOKA-BAMBUS d.o.o. Sarajevo i T.R. NA MALO "GRACIA" Sarajevo **prihvatljive**.

Nakon što je pregledom i usporedbom prihvatljivih ponuda utvrdila da je prvorangirana ponuda niža za više od 32,83% u odnosu na drugorangiranu ponudu (član 17. stav (7) tačka b) Uputstva), što je pokazatelj neprirodno niske cijene, Komisija I je dopisom broj: 10/E-11-5927/25 od 28.10.2025. godine zatražila pisano objašnjenje od prvorangiranog ponuđača T.R. NA MALO "GRACIA" Sarajevo o razlogu za ponuđenu nisku cijenu.

Ponuđač T.R. NA MALO "GRACIA" Sarajevo je kao odgovor dostavio dopis broj: 01-45/25-1 od 29.10.2025. godine za koji je Komisija I jednoglasno ocijenila objašnjenje neprirodno niske cijene ponude kao osnovano i prihvatljivo.

Tenderskom dokumentacijom je predviđeno provođenje e-aukcije. E-aukcija je održana dana 03.11.2025.godine sa početkom u 13:30 sati i okončana 03.11.2025. godine u 13:50 sati, tokom koje su ponuđači koji su učestvovali u istoj, podnosili nove cijene ponuda.

Nakon završene e-Aukcije izvršeno je rangiranje na osnovu konačne rang liste ponuđača koji su učestvovali u e-Aukciji i to kako slijedi:

Rang	Ponudač	Ukupna cijena ponude bez PDV-a (KM)	Ukupna cijena bez PDV-a
1.	OTOKA - BAMBUS d.o.o. Sarajevo	278,00	278,00
2.	T.R. NA MALO "GRACIA" Sarajevo	280,00	280,00

Na osnovu izvršenog rangiranja ponuda, utvrđeno je da je ponuđač **"OTOKA-BAMBUS" d.o.o. Sarajevo**, dostavio najpovoljniju ponudu za nabavku i isporuku cvijeća za potrebe Općine Centar Sarajevo.

Shodno svemu naprijed izloženom, Komisija I je jednoglasno donijela odluku da se Opštinskom načelniku dostavi

PREPORUKA O PRIHVATANJU PONUDE

prvorangiranog ponuđača **"OTOKA-BAMBUS" d.o.o. Sarajevo**, ulica Safeta Zajke 25, 71000 Sarajevo, ponuda broj: 25/2025 od 24.10.2025.godine za nabavku i isporuku cvijeća za potrebe Općine Centar Sarajevo, putem konkurentskog zahtjeva za dostavu ponuda, uz primjenu e-Aukcije, sa umanjenom cijenom nakon održane e-Aukcije u ukupnom iznosu od **278,00 KM bez PDV-a**, odnosno **325,26 KM sa PDV-om (zbir jediničnih cijena)**. Ugovorni organ će sa izabranim ponuđačem zaključiti Okvirni sporazum na period od 24 (dvadesetičetiri) mjeseca, do maksimalnog iznosa od 15.000,00 KM bez uračunatog PDV-a, kojim će regulisati međusobna prava i obaveze u vezi predmetne nabavke, u skladu sa zahtjevima ugovornog organa i zakonskim propisima.

Opštinski načelnik u postupku evaluacije nije našao razloge niti nepravilnosti u radu Komisije I koji bi eventualno bili osnov za neprihvatanje preporuke Komisije I, te je odlučeno kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem ugovornog organa, najkasnije u roku od 5 (pet) dana od dana prijema ove Odluke, shodno članu 101. stav (5) tačka c) Zakona o javnim nabavkama („Službeni glasnik BiH“, broj 39/14, 59/22 i 50/24).

Naknada za pokretanje žalbenog postupka iznosi 750,00 KM u skladu sa članom 108. stav (1) tačka a) Zakona o javnim nabavkama. Uz žalbu se dostavlja dokaz o uplati naknade za pokretanje žalbenog postupka i kopija bankovnog izvoda računa sa kojeg je izvršeno plaćanje, u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena, obavezno se dostavlja ugovornom organu u roku za izjavljivanje žalbe. Žalba se podnosi u dovoljnom broju primjeraka, koji ne može biti manji od 3 (tri).

Prilog: Zapisnik o pregledu i ocjeni ponuda
broj: 10/E-11-5927/25 od 05.11.2025.godine



Dostaviti:

1. "OTOKA-BAMBUS" d.o.o. Sarajevo, Safeta Zajke 25, 71000 Sarajevo
2. "T.R. NA MALO "GRACIA" Sarajevo, Trg Djece Sarajeva 1, 71000 Sarajevo
3. Kabinetu općinskog načelnika – Odsjek za javne nabavke
4. Kabinetu općinskog načelnika
5. Službi za finansije
6. U spis